

Iruñea •

Euskalerria Irratiaren digitalizazioa

Iruñerriko irrati euskaldunak tresneria berritu du zerbitzu hobea eskaintze aldera

EGUNOTAN APUR BAT ASALDAtuta dabilta Iruñeko Euskalerria irratiak langileak. Olen-tzero alde aurretik pasatu da Irrintzi dorretik eta dagoeneko jolasean ari dira konpresorea, RDSI kodifikadore, stereogeneradore eta ordenadore berriekin. Udalbitzako zuzendaritzak eman dizkie opari horiek gu-ziak.

«Lehenagotik geneuzkan tresna batzuk ajeak jota genituen eta berritu beharra ziren», esplikatu du irratiako zuzendari Mikel Bujandak. «Erreniega gainan paratua dugun antena udan gehiegi berotzen zenean hondatu egiten zen, eta hori sahisteko behar bezala aireztatu dugu antena ondoko etxola. Hau zen berehala atenditu beharreko arazo larri bat. Eta horrekin batera, beste hainbat berrikuntza egin ditugu».

Tresneria berria

Hala, konpresorea paratu dute aieratzen diren soinu iturri guzikiak berdintsuak izan daitez-zen. Stereogeneradore berria jarri dute eta horrekin kanpoko erretransmisioak (Sadar, san-ferminak) modu duinean sar-tzen dira, RDSI sistemaren bitartez. Erredakzioako ordena-doreen sarea osatu dute. Eta irratiako bi estudioetako kontrol mahaiei atxikiak jarri dituzten ordenadoreekin kuñak eta sin-toniak arratoiaren botoia saka-tuz sartzen dituzte.

«Ez bakarrik itxurak egite-ko», komentatu du Bujandak. «Baliabide gehiagorekin joka-tuko dugu orain eta horrek balioko du entzuleari zerbitzu hobea egiteko. Gerora honek aukera emanen digu gure pro-gramazioa zabaltzeko, irra-tsaioak errepikatuz edo alde aurretik programatuz. Azken hau erabakitzeke dago».

Oraingoz sistema berriak nola funtzionatzen duen ikas-ten ari dira. Iragan asteko oste-gun eta ostiralean, tramankulu berriak paratzearekin batera, informatika ikastaro arina jaso

Tresneria eguneratu eta digitalizaioaren bidetik sartzeko 37.563 euroko (6.250.00 pezeta) diru laguntza jaso du Euskalerria Irratiak Udalbiltzaren zuzendaritzatik. Irratiak aspaldiko ametsari ekinen dio horrela.




Euskalerria Irratiak langileek egun gutitan tresneria berria instalatu, informatika ikastaro arina jaso eta tresna berriak erabiltzen hasi dira.

• ASIER AZPILIKUETA

zuten irratiko langile guzikiak, beka-dunetatik gerentearaino. Bujandak onartu duenez, oraindik badira kontu batzuk ongi ikasi beharrekoak eta zenbait gauza gaizki ateratzen dira. Baina denbora kontua da, bes-terik ez.

Euskalerria irratiak ez da digi-talizazioari ekiten dion Nafa-roako lehen herri irrati euskal-duna. Irulegi Irratiak egin a-zen lehenagotik. Hain zuzen ere, Euskalerria irratiak Irulegi-ra joan ziren haien sistema-ren eta esperientziaren berri jasotzeko.

→ Asier Azpilikueta



Nafarroa

Euskal kantu txapeldunak

Nafarroako IX. Euskal Kantu Txapelketako finala iragan la-runbatean jokatu zuten, Donez-tebeko Bordatxon. Taldeka Le-kunberriko Gabari taldea izan zen txapelduna, 'Ai ama!' kanta-rekin. Horren atzetik, Tafallako Gurea taldekoak sailkatu ziren, 'Non daude' kantarekin.

Bikoteka, Begoña Almirante-arena eta Nerea Biurarena au-rizberritarrak izan ziren irabazle-ak, 'Nere maite, maite polita' kantarekin. Txapeldunordeak Izaskun Samaniego eta Marta Ibañez tafallarrak izan ziren, 'Muxuka' abestiarekin.

Azkenik, bakarlarietan, Itsas-ne Mundiñano olaztiarrak iraba-zi zuen, Anje Duhalderen 'Amo-dio ezitia' kantarekin. Haren atzetik Xuxuna Juanes oderizta-rra sailkatu zen, 'Euskal selek-zioaren alde' kantarekin.

→ Daniel Urrutia

Narbarte

Olentzeroren etxea

BKZ Nafarroa Abentura enpre-sak Bertizko aterpea 'Olentzero-ren etxea' bilakatu nahi du dato-rren udazkenean. Haurrentzako landa turismoko jarduerak bil-tzen ditu 'Olentzeroren etxea' ekimenak: gaztainak erre, taloa egin, sutondoan kontu kontari ibili... Baina egitaraua egitura-tzeko, sariketa antolatu dute.

Sariketa horretan Euskal Herriko ikastetxe guzikiak har dezakete parte. Haurrek marraztu edo idatzi beharko dute Olentzeroren etxean ikusi eta egin nahiko luketena: per-tsonaiak, abereak, jarduerak... Proposamenak gutunazal itxi batean bidali behar dira Bertiz aterpera (31793 Narbarte) edo, bestela, posta elektronikoz: bkz@navarraaventura.com. Lanak aurkezteko epea heldu den urteko martxoaren lehene-an ahituko da. Ikastetxe bakoit-zak berak nahi adina gutunazal bidali ditzake.

Parte hartzen duten ikastetxe guzien artean zozketa egingen da. Saria: 2002ko urritik abendua bi-tarte Bertizko aterpean bi egu-neko (gau bat) egonaldia, 40 la-gunendako. BKZk adierazi due-nez, «gisa honetan programa egokitua izanen da», haurrek ira-dokizunak emanez parte hartu-ko dutelako. Haurren laguntza sarietan eskertuko dute.

→ Asier Azpilikueta